




Na plecìa



Idiom: Gherdëina
 Meludia: Irene Kostner
 Paroles: Irene Kostner
 Aranjament: Helios

Na pitla plecìa cuecena toma ju dal lën,
 sufleda demez dal vënt dl autonnn.
 Le é pudù udëi, coche la à cumbatù
 contra na forza tan plu sterscia che ëila, che ëila.

Prove a la pië su, ne ulësse nia che la feje chësta burta fin.

Ma l vënt me à desmustrà,
 che n ne po' nia tenì dur,
 ma lascé jì.

La udëi julé te si gran lidëza
 me gëura i uedli.
 Y tan de bieì lecorc,
 che porte for cun mé...
 Ne ue i desmincë, ue i tenì pra mé.

Me lasce purté dal rai dl surëdl,
 for plu inant y sën...

Te vëije, canche stluje i uedli
 te vëije, cële tl ciel y te vëije.
 Tu ies for tlo pra mé,
 tu ies sciche na plecìa,
 juleda demez
 cun l vënt, dalonc da tlo.

Ma ie te vëije cun uni var che feje,
ie te aude ciantan chësta melodia.
Tu me judes a udëi l bel te uni di.
Ne ue plu me temëi, ue jì inant savan
che

ie te vëije, canche stluje i uedli
te vëije, cële tl ciel y
te vëije, canche stluje i uedli
te vëije, cële tl ciel y te vëije.
Tu ies for tlo pra mé, tu ies sciche na plecia.